

金籙十迴度人晚朝轉經儀

師堂序立

法事

高功跪啓

具位臣某重伸上啓

十六

靈寶玄中大法師真君靈寶經師君藉師君  
 度師君正一天師君女師嗣師系師君靈寶  
 監齋大法師真君赤明開闢圖奏珠授受一派  
 宗師恭望師慈俯回洞鑒臣聞靈寶本章總  
 百魔之隱韻上品妙首數十轉之玄功茲再  
 演於經科庸仰干於師造臣今入志以今引  
 領官衆升壇轉誦太上洞玄靈寶無量度人  
 上品妙經第九迴至第十迴敬為祝延  
 萬壽保天長存全賴師慈主盟壇席庶使響  
 徹三天聲聞九地一切有情同沾利益專俟  
 恩命宣演經科臣等千冒師嚴下情不勝虔  
 禱之至領衆升壇恭行典式  
 唱道引至壇前序立  
 次第升壇上香  
 信禮

各禮師存念如法

玉音攝炁 靈風聚煙 紫虛變秀 輔翼萬仙  
千和萬合 自然成真

鳴法鼓二十四通

無上玄元太上道君名出臣等身中三五功

十七

曹左右官使者侍香金童傳言玉女五帝直  
 符直日香官各三十二人出關啓所言臣今  
 為某入意願得太上降賜十方正真生炁流  
 注臣等身中今臣所啓速達徑御  
 無上三十二天元始上帝至尊御前

請稱法位

具位臣某大謝謹同誠上啓

太上無極大道虛無自然元始天尊妙無上  
 帝玄皇高聖太上玉晨大道君靈寶天尊妙  
 有上帝混沌萬變玄元老君道德天尊至真  
 上帝昊天玉皇上帝元陽慈父大道君靈寶  
 玉母大道君南極天皇上帝北極紫微大帝  
 朱陵度命天尊后土皇地祇十方無極太上  
 靈寶天尊已得道大聖衆至真諸君丈人三  
 十二天帝君東華南極西靈北真玄都玉京

金闕七寶瓊臺紫微上宮靈寶至真明皇道

君上相上宰上保上傳玄中太皇上帝高真  
三十六部尊經玄中大法師五帝三官四司  
九府日月五星南辰北斗二十八宿璇璣玉  
衡列象星真十方無極至真大神飛天神王

長生無量度人君天真皇人妙行真人靈寶

十八

三師監齋大法師侍經五帝玉童玉女典經  
 玉郎三洞侍經靈寶官屬三界五帝大勳魔  
 王三界官屬應感真靈恭望洪慈俯回洞鑒  
 臣聞空梵成文雖隱顯龍康之劫法輪啓祕

有彌綸宇宙之功願茲口誦以心惟諒哉聲

發而響應臣某倥侗何取僕邀無庸幸因緣

運之遭逢遂竊篇章而紉繹屬當夜奏再畢

經功分陰分陽考數已窮於奇耦徹上徹下

疏恩諒博於高卑指首歸依無極大道

經

心開悟解受持讀誦

至歸依十方道寶實願衆生起心回向一切信禮

師

書上法橋無有障礙

宿命讚

侍經宮第九迴開經科

敷座吟

替念如法

開經玄慮呪

請轉法輪

師題經

誦經畢

解座吟

侍經回向

智惠頌

師同齋官旋至上方上香再拜

○ 臣恭以空洞靈章美成九轉雲管流響透徹十方恭惟

上方無極太上靈寶天尊上方無極飛天神王長生大聖無量度人君位鎮圓羅功施洪覆寶珠勃勃親聞金口之說經雲會我常與玉京之聽政伏願臨下有赫申命用休陰陽寒暑得其平物無疵癘日月星辰麗于正國有禎祥具有表文謹當宣告

宣表關

焚化

侍經宣第十迴開經科

敷座讚

請轉法輪

師舉經

存思如初

道言音於始青天中云云大量玄玄也

解座吟

侍經回向

智惠頌

旋至下方上香再拜

○ 臣恭以行香誦經始終十徧祈恩請命表裏一誠恭惟

下方無極太上靈寶天尊下方無極飛天神王長生大聖無量度人君命式九圍光被四表惟總御大小必承宣道化以旁周而普度天人非推廣經功而莫可伏願錫之終惠介以純禧大書特書不一書明標功籍有色無色非有色均圓化鈞具有表文謹當宣告

宣表關

焚化

侍經宣普嘆經文

三闍經

師收經讚

願 收經得道普福天人無上玄元無邊香澤當

帝王保鎮國祚安寧永樂太平長享清靜和稽首歸依無極大道

師叩齒三十六過心拜十方而退東向心

禮三拜眼目齊呪曰且某謹請元始度人

上品妙經十徧既周乞發龍耕天神下降

校使六甲七祖飛升我騰上清呪畢叩齒

三通咽液三過北向心禮三拜眼目咒曰

上皇天真使我升靈清高深鍊誦誅靈書

七玄故散上朝太虛延年長存刻名錄書

咒畢叩齒九通咽液十過

納官如法

臣誦經已竟向來所出臣身中三五功曹左右官使者侍香金童傳言玉女五帝直符直日香官各三十二人請還入臣等身中復於官室毋令差互後名又到一如故事

師精思還宮昇叩齒三通咽液三過

發願

復鑑如故

仙靈仙官金童玉女五帝五嶽神仙真人三  
炁正神左右龍虎君天仙地仙五靈香官當  
今名致十方正炁自然生金液丹碧芝英百  
靈衆真交會在此香火鑑前當願十方仙童  
玉女侍衛香煙傳臣向來所啟之言速達徑  
御

無上三十二天元始上帝至尊御前

下壇前謝神王

具位臣某謹重誠上啓

十方無極飛天神王長生大聖無量度人君  
十方飛天使者十天玉女十方一切神仙官  
屬咸望洪慈洞回昭鑒向來欽奉

給青崇修金籙大齋轉誦太上洞玄靈寶無  
量度人上品妙經十徧仰勤鑒證幸已周圓  
謹竭丹誠徑伸謁謝伏念某等骨相非仙血  
屍尚穢宣行雲篆豈能應之手得之心諷誦  
天書不過出手口入乎耳存思迷謬音響

奴未能致冥慧洞清之天而先招輕泄漏慢  
之過仰祈春育曲賜海涵叩謝疏文謹當宣  
讀

宣疏

疏文宣竟諒賜鑒觀伏願聖心寬綽宇宙含  
洪不加斧鉞之誅曲賜憐憫之造使經教昭  
布乎寰宇而道恩光被于邦家法衆虔誠謹  
當奉送

直壇引下壇詣某謝師

師上香再拜

具位臣某重伸上啓

靈寶玄中大法師真君靈寶經師君籍師君  
度師君正一天師君女師嗣師系師君靈寶  
監齋大法師真君赤明開圖黍珠授受一派  
宗師恭望師慈俯觀謝悃伏以屢控師垣宏  
宣寶笈已蒙開悟幸遂周圓恭詣師階特據  
謝悃臣向來引領官來升壇轉誦太上洞玄  
靈寶無量度人上品妙經第九迴至第十迴  
已遂周圓仰荷師恩克成善念徑彈愚悃謁  
謝玄堂重念某體未洞真故莫窮於玄奧學

不至遺憾未造於清虛伏望大造垂恩玄師  
錫慶俯憐末學不賜譴訶庶俾家國沾恩存  
亡獲福善功圓滿品彙生成干冒師嚴臣等  
下情不勝攀戀之至瞻仰天階傾心拜送

修齋

雲輿

向來

念善

金籙十迴度人晚朝轉經儀